

四庫禁燬書叢刊編纂委員會

北京出版社

四庫禁燬書叢刊

補編

四庫禁燬書叢刊編纂委員會

北京出版社

四庫禁燬書叢刊

補編

圖書在版編目(CIP)數據

四庫禁毀書叢刊補編 / 《四庫禁毀書叢刊》編纂委員會編。—北京:北京出版社,2005

ISBN 7-200-06020-8

I. 四… II. 四… III. 叢書—中國—古代
IV. Z121.7

中國版本圖書館 CIP 數據核字(2005)第 029768 號

責任編輯:楊良志

四庫禁毀書叢刊補編

《四庫禁毀書叢刊》編纂委員會 編

北京出版社出版

北京北三環中路六號

郵政編碼: 100011

北京出版社出版集團總發行

新華書店經銷

北京市白帆印務有限公司印製

開本: 七八七×一〇九二毫米 1/16

印張: 四〇〇八·七五印張

二〇〇五年八月第一版第一次印刷

印數: 一—三〇〇套

書號: ISBN 7-200-06020-8/K·655

定價: 人民幣伍萬肆仟圓

ISBN 7-200-06020-8



9 797200 060200

補編第七冊目次

南北史合注一百九十一卷(原缺卷一百七十二)(四)

〔明〕李清撰
清乾隆鈔文淵閣四庫全書撤出本

南北史合注一百九十一卷（原缺卷一
百七十二）（四）

〔明〕李清撰

清乾隆鈔文淵閣四庫全

書撤出本

故宮博物院圖書館

北京大學圖書館藏

欽定四庫全書

南北史合注卷一百二十四

明 李清 撰

列傳第二十六

北史三十八

韓 茂

皮豹子

封敕文

呂羅漢

孔伯恭

田益宗

孟 表

奚康生

欽定四庫全書

南北史合注
卷一百二十四

楊大眼

崔延伯

李叔仁

韓茂字元興安定武安人父耆字黃耆永興中位常山

太守仍居常山之九門卒茂年十七膂力過人尤善騎

射明元曾親征丁零翟猛茂為中軍執幢時大風諸軍

旌旗皆偃仆茂於馬上持幢初不傾倒帝異而問之謂

左右曰記之尋徵詣行在所以為虎賁郎將後從太武

討夏主赫連昌大破之又從破統萬平平涼當茂所衝

莫不應弦而殪拜內侍長俊從征柔然頻戰犬捷與樂

平王丕等伐和龍茂為前鋒都將戰功居多遷司衛監

錄前後功拜散騎常侍殿中尚書數進爵至安定公從

破薛永宗蓋吳又從駕南征至文成立累官尚書令加

侍中征南大將軍茂沈毅篤實雖無文學每議論合理

為將善於撫眾勇冠當世太安二年領太子少師卒贈

涇州刺史安定王諡曰桓次于均字天德少善射有將

畧初為中散遷金部尚書兄備卒無子均襲爵安定公

欽定四庫全書

南北史合注
卷一百二十四

征南大將軍歷定青冀三州刺史甚有治稱廣阿澤定

冀相三州界土曠民稀多有寇盜乃置鎮安靜之以均

在冀州劫盜止息除大將軍廣阿鎮大將加都督三州

諸軍事均清身率下禁斷奸邪趙郡屠各西山丁零聚

黨山澤以劫害為業者均皆誘慰追捕遠近震跼先是

河外未賓民多去就故權立東青州為招懷之本新附

人咸受優復然舊人奸逃者多往投焉均表陳非便朝

議罷之後均所統劫盜頗起獻文詔書讓之又以五州

民戶殷多編籍不實詔均檢括出十餘萬戶復授定州刺史百姓安之卒諡曰康

皮豹子漁陽人少有武畧太武時累官開府儀同三司進爵淮陽公鎮長安坐盜官財徙於統萬真君三年宋將裴方明等侵南秦王楊難當遂陷仇池太武徵豹子復其爵位尋拜使持節仇池鎮將督關中諸軍與建興公古弼等分命諸將十道並進四年正月豹子進擊樂鄉大破之宋使其秦州刺史胡崇之鎮仇池至溪中聞

欽定四庫全書

南北史合注
卷一百二十四

三

官軍已西懼不敢進豹子與司馬楚之至濁水擊擒崇之盡虜其衆仇池平未幾諸氏復推楊文德爲主圍仇池古弼討平之時豹子次下鞞聞圍解欲還弼使謂豹子曰賊恥其負敗必求報復後舉爲難不如陳兵待之豹子以爲然尋除都督秦雍荆梁益五州諸軍事進號征西大將軍開府仇池鎮將持節公如故宋復遣楊文德姜道盛寇濁水別遣將陽顯伯守斧山以拒豹子時濁水城兵射殺道盛豹子至斧山斬顯伯悉俘其衆初

南秦王楊難當歸命詔送楊氏子弟詣京師文德以行賂得留出奔漢中宋以文德爲武都王守葭蘆城招誘

氏羗於是武都陰平五部氏人皆叛應之詔豹子往討文德阻兵固險以拒豹子其將楊高來降文德棄城南走收其妻子寮屬及故武都王保宗妻公主送京師宋白水太守郭啟玄率衆救文德豹子大破之啟玄文德走還漢中興安二年宋遣蕭道成等入漢中別令楊文德楊頭等率氏羗圍武都豹子分兵將救之聞宋人增

欽定四庫全書

南北史合注
卷一百二十四

四

兵益將表狀求助詔高平鎮將苟莫干率突騎二千赴之道成等乃退徵豹子爲尚書出爲內都大官宋遣其將殷孝祖脩兩當城於清東以逼南境天水公封敷文擊之不克詔豹子與給事中周丘等助擊之宋瑕丘鎮遣步卒五千助戍兩當豹子大破之追至城下免者十餘人而已既而班師先是河西諸胡亡匿避命豹子討之不捷而還又坐免官尋以前後戰功復擢爲內都大官卒文成追惜之贈淮陽王諡曰襄子道明襲道明第

八弟懷喜文成以其名臣子擢爲侍御中散遷侍御長
孝文初吐谷渾拾寅部落饑窘侵掠澆河詔假平西將
軍廣川公與上黨王長孫觀討拾寅又以其父豹子昔
鎮仇池有威信拜使持節侍中都督秦雍荆梁益五州
諸軍事本將軍開府仇池鎮將假公如故懷喜至申布
恩惠夷人大悅酋帥率戶歸附置廣業固道二郡居之
徵爲南部尚書賜爵南康侯太和元年宋葭蘆戍生楊
文度遣弟鼠據仇池詔懷喜討鼠鼠棄城南走進次濁

欽定四庫全書

南北朝史
卷一百二十四

五

水遂軍於覆津文度將強大黑固守津道

魏書曰懸崖險道偏閭單行

懷喜部分將士攀崖涉水衝擊大黑走之追奔西入攻
拔葭蘆城斬文度傳首京師詔慰勉之

魏書載詔曰忠臣生於德義之門知勇出於將相之
族往者氏羗放命侵竊邊戍都將皮喜梁醜奴等或
資父舊勲或身建殊效故授以節鉞並罄力盡銳克
荷所司霜戈始動蟻賊奔散及討葭蘆又梟克醜朕

甚嘉之其所陳計畧料其應否寧邊益國專之可也
今軍威既振羣愚懼服寬猛之宜任其量處應立郡
縣亦聽銓置其仇池南秦根本守禦資儲特須豐積
險阻之要尤宜防守勉勅戎務綏靜新俗稱朕意焉
又詔於駱谷築城懷喜表求於來年築城詔責之曰

魏書載詔曰仇池國之要害往置鎮駱谷是以無危
敗之禍近因徙就建安致有往年之役前勅卿等部
率其將仍于駱谷築城諸州之兵已復一歲即今就

欽定四庫全書

南北朝史
卷一百二十四

六

之一勞永逸無待來年今給軍糧一月使四月盡必
令成就

若不時築築而不成成而不回以軍法繩之南天水人
柳旃據而不順懷喜討滅之後爲豫州刺史詔讓其在
州寬急以飲酒廢事威不禁下遣使就州決以杖罰卒
諡曰恭

封敕文代人父爲侍御長敕文於始光初爲中散兩遷
至使持節開府領護西夷校尉秦益二州刺史賜爵天

水公鎮上邽詔敕文征吐谷渾慕利延兒子拾歸於枹罕衆少不制詔廣川公乙烏頭等二軍與敕文會隴右軍次武始拾歸夜遁敕文引軍入枹罕虜拾歸妻子及其民戶分徙千家於上邽留烏頭守枹罕金城邊岡天水梁會謀反據上邽東南城攻逼西城敕文先已設備賊乃退回會復攻城氏羗一萬屯南嶺休官屠各及雜戶二萬餘人屯北嶺爲岡等形援敕文設奇兵

魏書曰敕文遣二將領騎二百設備門內別令騎出

欽定四庫全書

南北朝書
卷一百二十四

擊之既而偽退回率衆騰逐敕文輕騎橫衝

大破之斬回復推梁會爲主

魏書曰敕文分兵二百突入南城焚其門樓城見火起皆驚亂遣步卒攻門克之便率騎士馳入餘賊奔東城乘背追擊殺千餘人

安豐公問根率軍助敕文敕文又表求助未及報會謀遁先是敕文掘重塹于東城外幾斷賊走路夜半命乃車陣飛梯騰塹而走敕文先嚴兵塹外拒圍至夜至旦

敕文謀於衆曰因獸猶鬪而況於人

魏書載敕文言曰賊衆知無生路人自致死必傷士衆未易可平若開其生路上下離心破之必矣

乃以白虎幡宣告賊衆若能歸降原其生命應時降者六百餘人會知人心沮壞於是分遁敕文縱騎騰躡死者大半畧陽王元達因會亂聚黨攻城招引休官屠各之衆推天水休官王官興爲秦地王敕文與臨淮公莫真討破之天安元年卒長子萬護讓爵弟翰于時讓者唯萬護及元氏侯趙辟慈子元伯讓其弟次興朝廷義而許之

欽定四庫全書

南北朝書
卷一百二十四

呂羅漢本東平壽張人其先於後趙石勒時徙居幽州祖顯字子明少好學性廉直鄉人有忿爭者皆就質燕王慕容垂以爲河間太守皇始初以郡降道武賜爵魏昌男拜鉅鹿太守清身奉公妻子不免饑寒百姓頌之曰恃惟府君克已清明緝我荒土民胥樂生願壽無疆以享長齡卒官父溫字晞陽善書好施有文武才畧位

上黨太守有能名羅漢仁厚篤慎弱冠以武幹知名溫
爲秦州司馬羅漢隨侍隴石氏楊難當冠上邽鎮將元
意頭知羅漢善射共登西城樓令射難當隊將及兵二
十三人應弦而殞賊衆轉盛羅漢曰今不出戰示敵以
弱衆情攜貳大事去矣意頭善之即簡千餘人令羅漢
出戰衆皆披靡難當大驚

魏書曰羅漢與諸騎策馬大呼直衝難當衆皆披靡
殺難當左右隊騎八人

欽定四庫全書

新北史公注
卷一百二十四

九

會太武賜難當璽書責其跋扈難當回仇池意頭具以
狀聞徵爲羽材郎上邽休官呂豐屠各王飛虎等

魏書作飛廉

據險爲逆詔羅漢討擒之後從征縣瓠以功遷羽林中
郎幢將賜爵烏程子及南安王余立羅漢猶典宿衛文
成之立羅漢有力焉累遷散騎常侍殿中尚書進爵山
陽公後爲鎮西將軍秦益二州刺史時仇池氐羗反逼
駱谷鎮將吳保元走登百頃請援於羅漢羅漢帥步騎

隨長孫觀掩擊氐羗大破之賊衆退散詔書慰勉之

魏書載詔曰卿應機赴擊殄此元凶宜召集豪右擇
其事宜以利民益國爲本隨其風俗以施威惠

涇州民張羗即聚衆千人州軍討之不能制羅漢擊擒
之仇池氐羗叛逆其賊帥蛩廉苻忻等皆受宋官爵鐵
券畧陽公伏阿奴爲都將與羅漢赴討所在破之擒廉
忻等秦益阻遠南連仇池西接赤水諸羗恃險數爲叛
逆自羅漢蒞州撫以威惠西戎懷德土境帖然孝文詔
褒之徵拜內都大官聽察多得其情卒官諡曰莊子興

欽定四庫全書

新北史公注
卷一百二十四

十

祖嗣

孔伯恭魏郡鄴人父昭位侍中幽州刺史魯郡公伯恭
以父任拜給事中累進彭城公獻文初宋徐州刺史薛
安都以彭城內附宋遣將張永沈攸之等擊安都安都
請援獻文進伯恭號鎮東將軍副尚書尉元救之永與
攸之棄船走

魏書曰永輜重在武原伯恭等攻克之永計無所出

遂退時天大寒雪泗水冰合永與攸之棄舟走伯恭等進擊復首虜復凍死甚衆

伯恭以書喻下邳宿豫城內時攸之吳愷公等率衆來援下邳屯軍焦墟曲去下邳五十餘里

魏書曰伯恭遣子都將侯汾等率騎五百在水南奚升等五百餘騎在水北南北邀之

伯恭密造火車攻其營水陸俱進攸之等既聞將戰引軍退保樊階城宋寧朔將軍陳顯達領衆溯清而上以

欽定四庫全書

南北朝史合注
卷一百二十四

十一

迎攸之屯睢清合口伯恭率衆渡水大破顯達攸之聞顯達軍敗順流退下伯恭從清西

魏書曰伯恭從睢陵城東向零中峽分軍爲二道司馬范仰子軍在清南伯恭從清西

與攸之合戰大破之攸之愷公輕騎遁走乘勝追奔八十餘里軍資器械虜獲萬計進攻宿豫宋戍將僧遵

棄城夜遁又遣將孔大恒等南討淮陽宋太守崔武仲焚城南走遂據淮陽皇興二年以伯恭爲散騎常侍彭

海王諡曰桓
城鎮將都督徐南北兗州諸軍事卒贈鎮東大將軍東

田益宗光城蠻也身長八尺雄果有將畧貌狀舉止有異常蠻世爲四山蠻帥受制于齊太和十七年遣使張

超奉表歸魏十九年拜員外散騎常侍都督南司州刺史光城縣伯食蠻邑一千戶所統守宰任其銓制後以

益宗既度淮北不可仍爲司州乃於新蔡立東豫州以益宗爲刺史景明初梁師寇三關益宗遣光城太守楊

欽定四庫全書

南北朝史合注
卷一百二十四

十二

興之進至陰山關南據長風城逆擊大破之二十二年梁建寧太守黃天賜築城赤亭復遣其將黃公賞屯於滌城與長風相持益宗命安蠻太守梅景秀與興之犄角擊討破之復其二城上表陳攻取之術

魏書載益宗表曰臣聞霜葉將淪非勁颼無以速其穽天之所棄非假手無以殲其人蕭氏亂常君臣交

爭江外州鎮中分爲兩東西抗峙已淹歲時民庶窮于轉輸甲兵疲于戰鬪無暇紀綱庶方藩城基立孤

存而已不乘機電掃廓彼蠻疆恐後之經畧未易且
壽春雖平三面猶梗鎮守之宜實須豫設義陽差近
淮源利涉津要朝廷行師必由此道若江南一平從
事淮外須乘夏水汎長列舟長淮師赴壽春須從義
陽之北便是居我喉要在慮彌深義陽之滅今實時
矣然行師之法貴張形勢請使兩荆之衆西撤隨雍
揚州之卒頓於建安得捍三關之援然後二陳之衆
直據南關造一都督總諸軍節度季冬進師迄于春
末弗過十旬克之必矣

欽定四庫全書

南北史合注
卷一百二十四

十三

宣武納之遣鎮南將軍元英攻義陽益宗遣其息魯生
斷梁糧道破梁戍主趙文興倉米運舟焚燒蕩盡時樂
口已南鄆豫二州諸縣皆沒于梁唯義陽而已梁招益
宗以車騎大將軍開府儀同三司五千戶郡公當時安
危在益宗去就而益宗守節不移鄆豫克平益宗力也
益宗年稍衰老聚歛無厭兵民患其侵擾諸子及孫兢
規賄貨部內苦之咸言欲叛宣武深慮之乃遣中書舍

人劉桃符宣旨慰喻庶以安之桃符還啓益宗侵掠狀

詔之曰聞卿息魯生在淮南貪暴橫殺梅伏生爲爾不

已損卿誠致可令魯生與使赴闕當加任使魯生久未

至延昌中詔以益宗爲使持節鎮東將軍濟州刺史常

侍如故帝慮其不受代遣後將軍李世哲與桃符率衆

襲之奄入廣陵益宗于魯生魯賢等奔關南招引梁兵

光城以南皆爲梁保世哲擊破之復置郡戍以益宗還

授征南將軍金紫光祿大夫加散騎常侍改封曲陽縣

欽定四庫全書

南北史合注
卷一百二十四

十四

伯益宗生長邊地不願內榮雖位秩崇重猶以爲恨表

陳桃符讒毀狀詔曰既經大宥不容方更爲獄熙平初

益宗又表乞東豫以招二子靈太后令答不許卒贈征

東大將軍鄆州刺史諡曰莊少于纂襲

魏書曰田益宗以益州內附初蕭鸞遣寧州刺史董

鬱遣討之官軍進擊執鬱并其子景曜送於行宮鬱

字仲舒滎陽人真君末隨父南叛性疎武不多識文

字高祖引鬱於庭問南軍鬱怖不能對數顧景曜景

曜進代父答申敘蕭驚慕襲始終辭理橫出高祖異
焉以巒爲越騎尉景曜爲員外郎後謀欲南叛坐徙
朔州及駕南討漢陽召巒從軍景曜至洛陽密啓其
父必當奔叛軍次魯陽巒單騎南走過南陽新野歷
告二城以魏軍當至深戒爲備防計房伯玉劉忌並
云無足可慮巒曰不然軍勢甚盛至境首北向哭乎
景曜云吾百口在彼事理須還不得顧汝一子也景
曜鎖詣行在所數而斬之

欽定四庫全書

南北朝史注
卷一百二十四

十五

孟表字武達濟北蛇邱人自云本屬北地號索里諸孟
青徐內屬後表因事南渡任齊爲馬頭太守太和十八
年表據郡歸魏除南兗州刺史領馬頭太守鎮渦陽後
遣其豫州刺史裴叔業攻圍六十餘日城中食盡惟
以朽草及草木皮菜爲糧表撫循將士戮力固守會鎮
南將軍王肅救之叔業乃退初有一南人自云姓邊字
叔珍攜妻息從壽春投表未及送闕會叔業圍城表後
察叔珍言色頗異即推覈乃叔業姑兒規爲內應所攜

妻子亦假妄斬之北門外人情乃安孝文嘉其誠封汝
陽縣伯庶散騎常侍光祿大夫齊州刺史卒諡曰恭
奚康生河南陽翟人其先居代世爲部落大人

愚按魏書官氏志業云獻帝以弟爲達奚氏孝文改
奚氏

祖真柔元鎮將內外三都大官康生少驍武彎弓十
石矢異常箭爲當時所服太和初柔然頻寇邊康生爲
前驅軍主頻戰陷陣壯氣有聞由是爲宗子隊主從駕

欽定四庫全書

南北朝史注
卷一百二十四

十六

征鍾離駕旋濟淮五將未渡齊將據渚斷津路孝文募
破中渚賊者以爲直閭將軍康生應募

魏書載康生謂友人曰如其克也得暢名績脫若不
捷命也在天文夫今日何爲不決

縛棧積柴因風放火焚其船艦依煙直進飛刀亂砍投
河溺死者甚衆乃假康生直閭將軍後以勲除太子三
校西臺直吐京胡反自號辛支王康生爲軍主從章武
王彬討之分爲五軍四軍俱敗康生軍獨全率精騎一

十追胡至車突谷詐墜馬胡皆謂死爭欲取之康生騰
騎奮矛殺傷數十人射殺辛支

魏書曰辛支輕騎退走去康生百餘步彎弓射之應
弦而斃

齊置義陽招誘邊人康生復爲統軍從王肅討之齊將
張伏護自昇城樓言辭不遜肅令康生射之望樓射牕
扉開即入應弦斃彼人見箭皆以爲狂弩齊將裴叔業
率衆圍渦陽欲解義陽急詔遣高聰元衍等援之並敗

欽定四庫全書

南北史合注
卷一百二十四

七

退帝乃遣康生馳往一戰大破之及青春來降遣康生
領羽林千人給龍廐馬兩匹馳赴之

魏書曰康生馳赴壽春集城內耆老宣詔撫養俄齊
將桓和頓軍梁城陳伯之據硤石民心駭動康生防

禦內外聲問不通固守一月援軍乃至

破走其將桓和陳伯之以功除征虜將軍封安武縣男
出爲南青州刺史已梁郁州遣軍主徐濟寇邊康生破
擒之時梁聞康生能引強弓特作大弓兩張長八尺把

中圍尺有二寸箭麤如今長笛送與康生康生便集文
武用之平射猶有餘力觀者以爲絕倫弓即表送置之
武庫後梁遣都督臨川王蕭宏勒甲十萬規寇徐州詔
授康生武衛將軍一戰敗之還京召見宴會賞帛千匹
賜驊騮御胡馬一匹出爲華州刺史頗有聲績轉涇州
刺史以輒用官炭瓦爲御史所劾削官爵尋復之梁直
閣將軍徐元明戍郁州殺其刺史張稷以城內附詔康
生迎接賜細御銀縷梨一張并棗柰果面敕曰果者果

欽定四庫全書

南北史合注
卷一百二十四

八

如朕心棗者早遂朕意未發聞郁州刺史復叛及大舉
征蜀假康生安西將軍邪趣綿竹至隴右宣武崩班師
後除相州刺史在州以天旱令人鞭趙主石虎畫像復
就西門豹祠祈雨不獲令吏取豹舌未幾二兒暴喪身
亦遇疾巫以爲虎豹之祟徵拜光祿勳領右衛將軍與
元乂同謀廢靈太后遷河南尹仍右衛領左右與子難
娶左衛將軍侯剛女即乂妹夫也乂以其通姻深相委
託三人多宿禁內或迭出入乂以康生子難爲千牛備

身康生性處武言氣高下義稍憚之見於顏色康生亦微懼不安正光二年二月孝明朝太后于兩林園文武侍坐酒酣迭憊次至康生乃爲力士憊及于折旋每顧視太后舉手蹈足嗔目頓首爲殺縛勢太后解其意不敢言日暮太后欲攜帝宿宣光殿侯剛曰至尊已朝訖嬪御在南何勞留宿康生曰至尊陛下兒隨陛下將東西更復訪問誰羣臣莫敢應太后自起援帝臂下堂去康生大唱萬歲於后近侍皆唱萬歲帝引前入閣左右

欽定四庫全書

南北朝史注
卷一百二十四

十九

競相排閤不得閉康生奪其子雞千牛刀砍直後元思輔乃得定帝既上殿康生時有酒勢將出處分遂爲義所執鑕於門下至晚義不出令侍中黃門僕射尚書等十餘人就康生所許其事處康生斬難處絞義與剛並在内矯詔決之康生如秦難怨死從留難哭拜辭父康生欣于免死慷慨不悲泣語于云我不及死汝何爲哭也有司驅逼奔走赴市昏闇行刑人注刀數下不死於地刻截咸言稟義意旨過至苦痛嘗食典御羹混與康

生同執刀入内亦就市絞刑康生久爲將及臨州多所殺戮而乃信向佛道每捨居宅立寺塔凡歷四州皆有建置死時年五十四子難年十八以侯剛婿得停百日竟徙安州後尚書盧同爲行臺義令殺之康生於南山立佛圖三層先死忽夢崩壞沙門有爲解云檀越當不吉利無人供養佛圖故崩耳康生默然竟及禍太后反政贈都督冀瀛滄三州諸軍事驃騎大將軍司空冀州刺史諡武貞又追封壽縣侯子剛襲

欽定四庫全書

南北朝史注
卷一百二十四

二十

揚大眼武都氏難當之孫少驍捷跳走如飛然庶孽不爲宗親顧待不免饑寒太和中起家奉朝請時將南伐尚書李冲典選征官大眼往求之冲弗許大眼曰尚書不見知聽下官出一技便出長繩三尺許繫髻走繩直如夫馬馳不及見者無不驚嘆冲因曰千載以來未有逸材若此者遂用爲軍主大眼顧謂同寮曰吾所謂蛟龍得水之秋自此一舉不復與諸君齊列矣未幾遷統軍從駕征宛葉穰鄧九江鍾離間所經戰陣莫不勇冠

六軍宣武初裴叔業以壽春內附大眼與奚康生等率衆先入以功封安成縣子除直閣將軍出爲東荊州刺史時蠻酋樊秀安等反詔大眼爲別將隸郃督李崇討平之大眼功尤多妻潘氏善騎射自詣軍省大眼至攻戰遊獵之際潘亦戎裝齊鑣並驅及還營同坐幕下對諸寮佐言笑自得大眼時指謂諸人曰此潘將軍也梁武遣其將張惠紹總率衆軍竊據宿豫假大眼平東將軍爲別將與郃督邢巒討破之遂與中山王英同圍鍾

欽定四庫全書

南北史合注
卷一百二十四

五

離大眼軍城東守淮橋東西道屬水汎長大眼所統軍劉神符公孫祉兩軍夜中爭橋奔退大眼不能禁相尋走坐徙營州爲兵永平中追其前勲起爲試守中山內史時高肇征蜀宣武慮梁人侵軼徵大眼爲太尉長史持節假平南將軍東征別將隸都督元遙過禦淮肥大眼至京時人思其雄勇喜於更用臺省閭巷觀者如市後梁將康絢於浮山過淮規侵壽春孝明加大眼光祿大夫率諸軍鎮荆山復其封邑後與蕭寶夤俱征淮

堰不能克遂於堰上流鑿渠決水而還加平東將軍

魏書曰大眼善騎乘裝束雄竦環甲折旋見稱當世大眼撫循士卒呼爲兒子及見傷痍爲之流泣自爲將帥恒身先兵士當其鋒者莫不摧拉南人所遣督將皆懷畏懼時傳言淮泗荆沔間童兒啼者恐之云揚大眼至無不即止王肅弟康初歸國謂大眼曰在南閩君名以爲眼如車輪及見乃不異於人大眼曰旗鼓相望瞋眸奮發足使君目不能視何必大如車輪當世推其驍

欽定四庫全書

南北史合注
卷一百二十四

五

果以爲關張弗過然征淮堰之役喜怒無常捶撻過度軍士頗憾之識者以爲性移所致又爲荊州刺史常縛縶爲人衣青布而射之召諸蠻渠指示之曰卿等若作賊吾政如此相殺又北清郡當有虎害大眼搏獲之斬其頭懸穰市自是荆蠻相謂曰楊公惡人常作我蠻形射之又深山之虎尚所不免遂不敢復爲寇盜在州二年卒大眼雖不學恒遣人讀書坐而聽之悉記識令作露布皆具口授而竟不多識字有三子長甄生次領軍

次征南皆潘氏生咸有父風初大眼從營州潘在洛陽頗失行及爲中山大眼側生女夫趙延寶告大眼大眼怒幽潘殺之後娶繼室元氏大眼卒甌生等問印綬所在時元始懷子自指其腹謂甌生等曰開國當我兒襲之汝等婢子勿望也甌生等深恨及大眼喪將還京出城東七里營車而宿夜二更甌生等開大眼棺延寶怪問征南射殺之元怖走入水征南又彎弓將射之甌生曰天下豈有害母之人乃止遂取大眼屍令人馬上把

欽定四庫全書

南北史合注
卷一百二十四

三十一

之左右扶掖以叛荆州畏甌生等驍武不敢苦追遂奔

梁

崔延伯博陵人祖壽陷入江南延伯少以武壯聞仕齊爲緣淮遊軍帶濠口戍主太和中入魏常爲統帥膽氣絕人兼有謀畧積勞稍進除征虜將軍荆州刺史賜爵定陵男荆州土險每有蠻聚結爲寇延伯輒自討之莫不摧殄由是穰土帖然無敢爲患永平中轉幽州刺史梁遣左遊擊將軍趙祖悅率衆偷據硤石詔延伯爲別

將與都督崔亮討之亮令延伯守下蔡延伯與別將伊瓮生夾淮爲營延伯遂取車輪去輞削銳其輻兩兩接對操竹爲絙貫連相屬並十餘道橫水爲橋兩頭施大轆轤出沒任情不可燒斫既斷祖悅走路又令舟舸不通梁軍不能赴救祖悅合軍咸見俘虜於軍拜征南將軍光祿大夫延伯與楊大眼等至自淮陽靈太后幸西林園引見謂曰卿等志尚雄猛皆國名將比平峽石公私慶快此卿等功也但淮堰仍在宜須預謀故引卿等

欽定四庫全書

南北史合注
卷一百二十四

三十二

親共量算各出一圖以爲後計大眼對曰臣聞水陸二道一時俱下往無不剋延伯曰既對聖顏答旨宜實水南水北各有溝瀆陸地之計如何可前願聖心閱水兵勤苦給復一年專習水戰朕有不虞召便可用太后曰卿言善當敕如請二年除并州刺史在州貪汚聞於遠近已爲鎮南將軍行岐州刺史假征西將軍賜驂騮馬一匹正光五年秋以往在揚州建淮橋之勲封新豐子時莫折念生兄天生下隴東寇征西將軍元志爲天生